

Broj:01-11-2885-4/22
Sarajevo, 08.09.2022. godine

Na osnovu člana 70. Zakona o javnim nabavkama BiH („Službeni glasnik BiH“ broj:39/14) i člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", 35/05, Rješenja o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebi pečata Federalnog ministarstva za pitanja boraca i invalida odbrambeno-oslobodilačkog rata („Službene novine Federacije BiH“, bro:33/21), a na preporuku Komisije za javne nabavke za 2022. godinu imenovane rješenjem broj: 01-11-1393/22 od 04.04.2022. godine i rješenje o izmjeni rješenja komisije za javne nabavke broj: 05-11-2815/22 od 01.08.2022. godine, Federalno ministarstvo za pitanja boraca i invalida odbrambeno-oslobodilačkog rata, d o n o s i:

ODLUKU

o izboru najpovoljnijeg ponuđača - nabavka goriva i maziva

I

Na osnovu provedenog postupka javne nabavke – Konkurentski zahtjev nabavke goriva i maziva broj: 01-11-2885/22 od 07.09.2022. godine, obavještenja o nabavci broj: 746-7-1-24-3-5/22 koje je objavljeno na Portalu javnih nabavki dana 22.08.2022. godine, kao najpovoljnija i ocjenjena najprihvatljivijom ponudom je ponuda ponuđača Hifa petrol d.o.o. Sarajevo - čija ukupna cijena ponude utvrđena nakon računske kontrole, iznosi 36.219,00 KM bez PDV-a.

II

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora – najniža cijena.

III

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulirati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

IV

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak javne nabavke – Konkurentski zahtjev za nabavku goriva i maziva pokrenut je Odlukom o pokretanju postupka javne nabavke, broj: 01-11-2884/22 od 16.08.2022. godine. Ukupna procijenjena vrijednost nabavke iznosila je 41.026,00 KM. Obavještenje o nabavci objavljeno je na e portalu javnih nabavki pod brojem: 746-7-1-24-3-5/22 dana 22.08.2022. godine.

Tendersku dokumentaciju preuzelo je 3 (tri) ponuđača, a 1 (jedan) ponuđač i to: *Hifa-Petrol d.o.o. Sarajevo (ukupna cijena ponude utvrđena nakon računске kontrole iznosi 36.219,00 KM bez PDV-a) dostavila je ponudu u predmetnom postupku javne nabavke. Ponuda je blagovremeno pristigla*

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da 1 (jedan) ponuđač ispunjava formalno pravne, ekonomske i tehničke uslove, odnosno zahtjeve ugovornog organa i to: *Hifa-Petrol d.o.o. Sarajevo*, odnosno da je ponuda prihvatljiva za ugovorni organ i da može biti predmet vrednovanja shodno utvrđenim kriterijima, Obavještenjem o nabavci, odnosno konkurentskom zahtjevu.

Polazeći od gore navedenih konstatacija, i činjenice da prihvatljive ponude u tehničkom i ekonomskom smislu ispunjavaju zahtjeve ugovornog organa, Komisija je pristupila računskoj kontroli iskazane cijene u tehničkoj specifikaciji, te vrednovanju prihvatljive ponude shodno utvrđenom kriteriju: „najniža cijena“, nakon čega je sačinila i dostavila Zapisnik o pregledu i ocjeni ponuda broj: 01-11-2885-3/22 od 08.09.2022. godine, sa preporukom o izboru najpovoljnijeg ponuđača *Hifa-Petrol d.o.o. Sarajevo*, sa registrovanim sjedištem u Hotonj bb, Vogošća, ID: 4200999090005, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjele ponude, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i tenderskom dokumentacijom. Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio ovu odluku. Žalba se podnosi naručiocu-ugovornom organu kao prvostepenoj instanci u žalbenom postupku, u dovoljnom broju primjeraka koji ne može biti manji od tri.

Dostavljeno:

1. Ponuđaču 1 x
2. U spise
3. Arhiva

Po ovlaštenju Vlade Federacije BiH
POMOĆNIK MINISTRA
Mirza Terzo

